



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU HRVATSKE ČISTE STRANKE PRAVA BOSNE I HERCEGOVINE

Broj: 03-07-6-83/16
Sarajevo, 10. april 2017. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske čiste stranke prava Bosne i Hercegovine za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2015. godinu, utvrđeno je da je Hrvatska čista stranka prava Bosne i Hercegovine prekršila odredbe člana 5. stav (4), člana 11. i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske čiste stranke prava Bosne i Hercegovine za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska čista stranka prava Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	2.170,00	100,00
8.	Prihodi od propagande (3-g)	0,00	0,00
9.	Ostali prihodi	0,00	0,00
I	Ukupni prihodi (1-9)	2.170,00	100,00
II	Kreditno zaduženje kod banaka	0,00	0,00
	Izvori finansiranja (I+II)	2.170,00	100,00

U godišnjem finansijskom izvještaju stranka je iskazala ukupne rashode u iznosu od 395,00 KM.

2. PREDSTAVLJANJE POLITIČKE STRANKE

Naziv političke stranke: Hrvatska čista stranka prava Bosne i Hercegovine. Skraćeni naziv: HČSP BiH.

Hrvatska čista stranka prava Dr. Ante Starčević upisana je u registar političkih organizacija kod Kantonalnog suda Livno, rješenjem broj: 010-0-V-06-000 006 od 17.05.2006. godine. Rješenjem Općinskog suda u Livnu broj: 068-081-F1-11-00001 od 19.05.2011. godine upisana je promjena naziva stranke, koji glasi: Hrvatska čista stranka prava Bosne i Hercegovine.

Sjedište političke stranke je u Tomislavgradu, Bare bb, Prisoje.

Lice ovlašteno za zastupanje stranke je Tadija Ljubičić, predsjednik.

Lice ovlašteno za finansijske izvještaje za 2015. godinu je Tadija Ljubičić.

Prema podacima iz godišnjeg finansijskog izvještaja za 2015. godinu, Hrvatska čista stranka prava Bosne i Hercegovine nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske čiste stranke prava Bosne i Hercegovine za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske čiste stranke prava Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjih finansijskih izvještaja Hrvatske čiste stranke prava Bosne i Hercegovine od 2008. do 2014. godine, nakon kojih su izdati izvještaji o pregledu sa mišljenjem revizora i nalazima revizije.

Nakon izvršenog pregleda godišnjeg finansijskog izvještaja za 2014. godinu izdat je izvještaj o pregledu sa mišljenjem revizora da je stranka postupala u skladu sa odredbama Zakona o finansiranju političkih stranaka.

5. NALAZI I PREPORUKE

5.1 NALAZI

Hrvatska čista stranka prava Bosne i Hercegovine prekršila je odredbe člana 5. stav (4), člana 11. i člana 12. Zakona o finansiranju političkih stranaka.

Pregledom godišnjeg finansijskog izvještaja Hrvatske čiste stranke prava Bosne i Hercegovine utvrđeno je da stranka nije u poslovnim knjigama i obrascima godišnjeg finansijskog izvještaja za 2015. godinu iskazala nenovčanu donaciju u vidu besplatnog korištenja poslovnog prostora niti troškove zakupa poslovnog prostora, čime je ukupne prihode i rashode iskazala u manjem iznosu u odnosu na ostvarene, što je suprotno odredbama člana 5. stav (4), člana 11. i člana 12. stav (1) i stav (3) Zakona o finansiranju političkih stranaka i člana 13., 18., 21. i 22. Pravilnika o godišnjim finansijskim izvještajima političkih stranaka.

Uvidom u dokumentaciju koju je na zahtjev Centralne izborne komisije Bosne i Hercegovine dostavila Hrvatska čista stranka prava Bosne i Hercegovine, utvrđeno je da stranka na osnovu Odluke Općinskog vijeća općine Tomislavgrad koristi prostorije u bivšoj zgradi MUP-a, bez naknade.

Hrvatska čista stranka prava Bosne i Hercegovine je korištenjem poslovnog prostora u vlasništvu općine, bez plaćanja zakupnine, primila nenovčanu donaciju, koje je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2015. godinu.

5.2 PREPORUKE

Preporučuje se Hrvatskoj čistoj stranci prava Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi evidencije o primljenim priložima,*
- *da poslovne knjige vodi u skladu sa računovodstvenim propisima, odnosno da vodi potpune evidencije o prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, Hrvatska čista stranka prava Bosne i Hercegovine nije dostavila primjedbe na Preliminarni izvještaj o pregledu godišnjeg finansijskog izvještaja za 2015. godinu.

šef Odsjeka za revizijske poslove, revizor

Sanja Tošović

šef Službe za reviziju

mr. sc. Hasida Gušić